

歷代正史研究文獻叢刊

(清)杭世駿 牛運震 等撰

二十二史考論 三

北京圖書館出版社

越南正史研究文獻叢刊

越南正史研究文獻叢刊

三十二號叢刊

叢刊三十二號

歷代正史研究文獻叢刊

(清)杭世駿 牛運震等撰

二十二史考論 三

北京圖書館出版社

第三冊目錄

讀史雜記 一卷 (清)沈豫撰	一二九五
讀史雜記	
十七史說 四卷 (清)劉體仁撰	一三三五
序	
卷一 史記	一三三九
卷二 前漢書後漢書三國志	一四六三
卷三 晉書宋書齊書梁書魏書北齊書周書	一六一七
卷四 隋書唐書五代史	一七七五

清
○
沈
豫
撰

讀
史
雜
記

清道光十八年（1838）刻《蛾術堂集》本

讀史雜記一卷

蛾術堂

蕭山沈豫補堂著

李斯

史記李斯傳吾聞之荀卿曰物禁太盛亦可謂不忘師法惜乎
詬莫大于卑賤悲莫甚于窮困纏縛胸中致欲牽黃犬逐狡兔
出上蔡東門而不可得噫

魏志王粲傳

建安七子並擅才名而列傳止仲宣一人徐陳應阮劉綴名粗
具大概非略也傳中詳載文帝與吳質書數公根柢自見至二
丁荀緯璩貞籍威吳質等各附數語最合史家詳略體裁

袁彥伯三國名臣序贊王子安三國論

言身系言
一
袁贊先論魏而稱霸朝王論終敘魏而譏褊刻均不與以繼漢其識與習鑿齒同

史記列傳編次無序

李廣傳後忽列匈奴傳公孫宏傳後忽列南越東越朝鮮西南夷等傳又列司馬相如傳相如之下又列淮南衡山王傳循吏後忽列汲黯鄭當時傳儒林酷吏後又忽入大宛其次第皆無意義以上皆廿二史劄記而後之讀記者多未敢排比更正豈以其易編年爲記事草創規模而故仍之耶抑以馬氏爲諸史首而莫贊一辭耶夫大學爲聖經其先後後儒尚欲攷正其紊亂而趙氏甌北曾拈出之竟未下斷語何也

循吏汲黯傳

甚哉鬼蜮之毒人也予讀汲黯傳至宏湯深心疾黯而無緣傾陷乃上言曰右內史界部中多貴人宗室難治非素重臣不能任請徙黯爲右內史吁將欲殺之必先活之幸而官事不廢得以安職使稍失治小則入請室大則伏歐刀黯之直彰矣黯之身亦危矣哉

儒林傳法孔聖

首詩書次禮本雅言也而易春秋繼之申公教詩無傳疑者則闕不傳殆亦宣聖多聞意耶申公年八十餘乘軺車見天子轅固生伏生輩皆臻大耋窮經之秘非皓首不辦矣或以布衣爲天子三公或以老不能行詔太常往受之儒術之榮西京駸駸也而授受淵源轉相師法後之言六藝者皆本於此云

史記循吏列傳

循吏列傳孫叔敖子產公儀休石奢李離共五人枚舉前朝而漢代無一及焉其吏治概可知矣

淮南列傳

太史公以戎狄荆舒謂淮南衡山俗薄所致豈通論哉二南江漢王化蒸蒸使周召處此輶車鏃矢斷不作矣

匈奴列傳

讀匈奴列傳至冒頓不愛一馬并不愛一女獨甌脫外棄地不與東胡上馬襲擊亦知所寶哉或戰或和四朝之間喜怒無所控制者難矣哉控制者難矣哉

韓安國傳

安國之議與匈奴和亦籌邊之善者所恤者失官家居以五百金物遺蚡召爲北地耳白璧之瑕不能爲之諱矣

秦本紀與表書法各異

始皇本紀七年夏太后死十七年華陽太后卒十九年始皇帝母太后崩或書死或書卒或書崩三者各異而表概以薨書之

燕世家

自召公已下九世至惠侯皆不詳名屬疑者闕之後世譜牒家必欲牽扯傳會便轉葛不清矣

自三百石吏已上是以漢爵明周制

吳太伯世家

太伯世家起仲雍與太伯並提緣太伯無子太伯卒後弟仲雍

立是仲雍之後爲太伯之後故仲雍不爲附傳輕帶後論中乃知中國之虞與荆蠻句吳兄弟也並收而復以延陵季子美之仍還太伯世家面目平敘中見側側敘中還平是史公極矜意文字

伍子胥列傳

楚平王爲太子取婦于秦秦女好因費無忌而自取衛宣公後又一魚網鴻離也

仲尼弟子列傳

太史公曰予以弟子名姓文字悉取論語弟子問疑者闕焉首顏淵見傳道之弟一爲胥附之友誠卓識也然論商而不及其傳六經稱參而反略其呼一貫于衛賜述五國而語多誣舛于

季路見孔子而性常陵暴至若敘商瞿而漫及楊何據伯察而援引爲弟子尤支離無稽之甚者也

太史公自序

歷溯譜牒見世業之精其間參之伍之錯之綜之似斷而連似散而整似隔塞而聯貫似顛倒而順從真曲終雅奏也易經敘卦收拾一部大旨滲漏毫無底足繼之敘云厥協六經異傳整齊百家雜語史氏採輯不嫌恢誕三國裴注所以獨絕也

酷吏列傳六十二孟軻曰上有好者下必有甚焉者矣景帝時尚黃老之學治歸清淨而其後廢弛怠緩勢必至於刻深故郅都張湯義縱趙禹等十人相繼而起或號蒼鷹或得盜鼠或虎而冠或狼而牧茲數子者上皆以爲能而身首異處得保身要

言身系言
領者惟杜趙矣雖然郅都之伉直張湯之得主而猶中以法也
嚴霜之凌無完條暴風之厲鮮脆葉爾

魏豹彭越

魏豹之才不及彭越而識頗過之觀其謝酈生曰人生如白駒
過隙漢王慢而侮人罵諸臣如奴隸非有上下禮節吾不忍見
之其自待抑何厚與彭越發跡漁父袖手兩龍誅最後者以帖
服軍卒可謂壯哉及陳豨反代高帝徵兵佯疾卻使輕聽扈輒
之言處蜀青衣灑涕淚于呂后夷宗族于廷尉其初志殆欲雲
蒸龍變耶

古今人表

漢書古今人表師古曰但次古人而不表今人者其書未成故

也愚意頗不爲然班氏旣以斷代爲史三古人物無容題品若論及當世難免觸諱避忌之嫌其不表今人亦大有深意師古所云尚未見孟堅孤苦耳

實無他腸

衛綰以戲車爲郎文帝崩屬孝景曰綰長者善遇之後景帝以劔賜綰綰曰先帝賜臣凡六劔不敢奉詔上以爲廉忠實無他腸小顏云心腸之內無他惡也按小顏注謬無他腸與變雅自有肺腸相反言其誠質也

大宛列傳

奮行者官過其望漢書音義曰奮迅自樂入行者○卽今之情愿投効軍功而賞逾其等者以適過行者皆紕其勞卽上發天下七科適言將功抵罪也漢發三輔罪人及郡國惡少年數萬人發天下七科適見貳師不能用堂堂之陳正正之旗

俾無賴子得以成功是亦徼天之幸也

大宛列傳六十三以諸國爲經張騫貳師爲緯貪黷無厭卒啓戎心得之少不敵失之多也

下其事

霍光傳桀欲從中下其事師古曰下謂下有司也此不過欲抑制與左傳下其手之下一例顏注恐非

非凡所見

前漢陳湯傳曰國家與公卿議大策非凡所見事必不從言非常之事不經見者人多不從人每畏難而安易也師古以凡庸之人不能遠見故懷其事似未明哲

帝紀前後稱謂不同

魏書武帝紀建安十月以前稱太祖以後稱公二十一年五月

以後稱王

劉焉首蜀志

蜀書以劉焉弁首義門學士云非夷昭烈於割據也王者之興先有驅除云爾按陳氏旣以魏爲正統則蜀不得不退處於偏霸不以先主冠篇端正其深文曲意評曰機權幹畧不逮魏武偏袒自見

魏志司馬氏稱宣王

延康七年帝疾篤召中軍大將軍曹眞鎮軍大將軍陳羣征東大將軍曹休撫軍大將軍司馬宣王並受遺詔司馬氏獨稱宣王豈以後日貴爲天子豫爲追贈耶抑承祚爲典午臣禮宜隆所稱耶